

林初文詩文全集

林初文詩文全集

明福清林章著

男君遷編次
古度

五言絕

題韓文公圖
時年十歲

獨立藍關雪回看秦嶺雲
非干馬不進步步

戀明君

元日示單將軍

新歲非舊歲今人是故人一杯元日酒堪與
李膺親

清明

風雨忽紛紛又是清明節新柳似柔腸一條
堪九結

送壻

今日難爲別愁中復客中一言和泪贈珍重
此乘龍

紅瓜子

碧玉心如舊
緋桃色尚新
東陵不可見
誰識箇中人

宮怨

永巷春三月
寒鴉時一聽
不知楊柳色
門外可曾青

送別

相送到江干
淒其風又雨
淚下沾君衣
看君

不能語

歌者月娟

娟娟嶺上月
婉婉閨中人
同向尊前看
姮娥若是真

書野雲上人圖

吾性本來野
此身渾是雲
恒河千萬里
底處不逢君

其二

非空亦非色
氛氲不可摩
愁山和苦海
如此野雲何

林初文詩文集

明福清林章

著

男

二君遷古度

編次

七言律

金陵懷古

長江一洗六朝兵
江北江南無限情
剩水殘山吳故壘
閒花野草晉空城
石頭古樹逢秋落
浦口寒潮入暮生
最是天涯留滯客
不堪

商女蹋歌聲

燕山吊古

蕭瑟西風起夕陽邊城八月僂
凄凉燕昭臺上寒鴉亂樂毅村
前野草荒送客更誰歌易水
行人空復說甘棠十年馬首餘
孤劍歷盡秦關與漢疆

暮春登燕子磯懷古

楊子江南燕子磯楊花燕子一時飛
六朝人

物空流水兩晉山川盡落暉草色遠迷瓜步
去潮聲暗打石頭歸倚闌天際春三月惆悵
東風動客衣

天津城樓

落日孤城一倚樓烽烟萬里使人愁笳聲出
塞寒偏咽旂影橫波暗不流裾似鄒生何處
曳筆如班氏未堪投朔風吹盡關河雁那得
音書到海頭

潞河驛

冷風殘雪潞河灣十載家鄉一日還不作楊
雄投漢閣寧爲樂毅出燕關漠南廬帳連三
輔海上樓船動百蠻無路報恩空有劍春明
回首淚潺湲

居庸關見阻示同行

怪得關前逐客頻匈奴早晚欲和親無繻應
不空還漢有舌何須定說秦雨氣千峰營幕

曉梨花三月塞門春憑君斗酒城頭話猶勝
新豐店裏人

紫荊關道中聞邊報

幙南千里昔曾空總是將軍百戰功自有衛
青堪破虜如何魏絳便和戎旄頭夜動陰山
白鼓角寒吹落照紅好向燕然重勒石勲名
莫遣漢人雄

定海平倭第一關

一望滄溟盡下蠻孤城迢遞白雲間笳吹細
柳三春月弓挂扶桑萬里山越貢不通何事
急漢關未閉幾時閒回頭二十年前夢惟有
東風海上還

潯陽江樓

楚天愁思入秋多落日危樓奈客何九派江
聲都帶雨三孤山色半含波霜前薜荔猶堪
采露下蒹葭不可歌曾到漢陽峰頂望十年

踪跡片鴻過

黃鶴樓

有引

余被趙氏之冤幸脫穢生之禍因感
二子過此吊之嗟夫今世不可知矣
千載之下亦復有吊林章者乎丁酉
秋八月志

望裏山川是楚鄉美人何處水茫茫
客留江夏趙壹辭家出漢陽鶴去未知芳草

暗鴈來先覺白雲涼倚樓無限西風意堪與
千秋一斷腸

陳漢陽同年招飲晴川閣應城田功甫
孝廉適携酒至余於功甫爲初識而別
漢陽則十年矣時當七夕書以記之

木葉西風漢渚波高樓徙倚晚涼多十年易
作人間別七夕難爲客裏過陳子榻前堪對
酒田郎座上好彈歌孤城漏下雙星見牛女

娟娟正渡河

項王廟

大江南北水潺潺斷送英雄一夢間戰馬自嘶
營草去渡船空載陣雲還黃昏雙塚秦時月
青壘孤祠漢代山莫上高樓西際望愁人殺氣
滿函關

關王廟

生獨英雄死獨靈雲臺麟閣漫圖形只今錦

里無王氣終古微垣有將星魚服宮前秋水
白蛇蟠陣裏曉山青城頭惟見寒鴉影敢拂
西風過此亭

雨中登潤州城

山自岿巖水自流鄉魂客思共悠悠江湖無
處堪懸榻風雨何時不倚樓愁極空裁平子
賦倦來悞作長卿遊孤城此日鶯花暮獨看
斜陽草色頭

夜泛西湖

湖雪初消湖水流
白雲都在湖西頭
半天星斗幾於落
十里樓臺盡是浮
燈火微微搖鴈
塔笙歌隱隱渡蘭舟
多情最是吳山月
照到遊人醉未休

雪後登天然閣

錢塘江上凍烟開
寶石峰頭霽色回
塔起諸天猶挂雪
閣臨無地不飛埃
湖山今日多新

句歌舞當年有舊臺十載經過憑一眺斜陽
鐘磬莫相催

珠泉

不因神女渡江遊誰把珠來汗漫投明月千
秋寒影亂青山十里夜光浮卽看鯨泣盤中
落謾向龍眠領下求只尺便過星宿海乘槎
何必問牽牛

秋夜泊燕子磯

石城逶迤接江沙此夕相思在水涯明月一
輪飛燕子寒潮千尺落蘆花夢回西渚仍爲
客望斷南雲不見家獨對秋風愁欲絕隔船
夜半起吹笳

元夕灤陽演武堂戚都護宴集觀九曲
黃河燈時大雪

將軍開讌對河濱千里河流坐上分海蚌放
珠堪照夜火龍銜燭欲燒雲擎杯月動金波

影說劍星搖玉斗文何處笙歌天外度東風
吹落雪紛紛

滄州錢女元席上書感兼懷郭建初方
景武

當時尊酒灤陽城幾夜秋風秋雨聲今日滄
州尊酒夜秋風秋雨幾年情江湖落落陳登
計辭賦飄飄庾信名歌舞兩行堪一醉故人
奈有不同傾

長蘆贈李運長

祇爲風流滯此官才名總得少年看東南人
望推元禮西北軍儲屬士安銀印夜封瀛海
月羅衣春染楚江蘭如今只尺瞻天近未信
明時道路難

上涪大司馬

漢將分符出帝畿羽林十萬擁旌旂由來北
斗爲喉舌是以東方有袞衣箕子山春千樹

發衛公營古六花飛書生豈敢誇投筆願向
軍前賦采薇

贈劉駕部賡畫

玉帳西飛萬里遙 君王親爲訪賓寮姓名
海內知劉晏談笑軍中見却超一曲落梅魚
鳥動千山采芑雪霜消何因傳檄過邛夔試
看當年駟馬橋

天津寄梁兵憲

月落關河鼓角生中天回首不勝情平蠻諸
將推方叔喻蜀何人薦長卿此日黃金臺上
盡終宵紫氣斗邊明彎弓欲向扶桑挂敢借
東風一送行

淮上謁江兵憲

漢家儒將定誰過節鉞新承主眷多留頌青
山長有石揚麾滄海已無波尊前秋色芙蓉
幙鏡裏春風杜鵑歌彩筆于今知更好試教

草檄看如何

春日病起

滿城風雨送殘春
閉戶誰憐病起人
白壁未明終戀楚
黃金已盡欲辭秦
鄉關南北音書絕
海戍東西羽檄頻
幾樹好花留不住
却令一嗅一沾巾

夏日郊行

四月鶯聲向客疎
千鄉草色爲誰餘
看花已

落春歸後把酒還當病起初
碧洞烟霞開玉局
青山風雨度
籃輿年來踪跡天涯徧
莫道漂零興不如

七夕

病裏年光客裏情
草虫木葉盡秋聲
關山幾度看牛女
詞賦何時問馬卿
鐘動漢宮纖月落
筑殘燕市大風生
不堪徙倚天河際
水冷星寒斗自橫

九日

客思流光共不閒
玉河橋下水潺潺
十年空憶故園菊
九日仍登何處山
鴉背夕陽歸上苑
雁銜霜信入南關
囊中縱有長房藥
曾爲愁人一駐顏

送李叅戎之黃花鎮

馬上時聽出塞歌
君家勛業滿山河
金城父老思充國
銅柱蠻夷識伏波
節鉞遙傳三殿

下旌麾直繞九陵過黃花古戌年年遣從此
春風細柳多

送吳廣文之任華亭

青山城郭白雲窓最好橫經是此邦士向東
吳誇二陸君從北斗下三江雁分潞水雲頭
片鶴榜華亭月影雙知有相思何處絕鱸魚
上鉤酒浮缸

吳門秋日送族人南還

百花洲畔水蘭船
杯酒西風思黯然
客似長卿遊已倦
人如小謝別時憐
江城暮色初回
月野樹秋聲盡
入蟬明日姑蘇臺上望片帆
落處是南天

送陳扶搖叅戎復任遼東

一道旌旗塞上分
灞陵十載舊將軍
入遼曾試屯田策
出楚猶傳露布文
海外槎星明似
月關前烽火黑
於雲漢家天手
肅元帥蚤聯

登壇定是君

滕王閣

峯髙閣俯江堤江水平流渚樹齊帝子別
時雲渺渺王孫歸處草萋萋雲來雲去山長
碧花落花開鳥自啼爲憶當年歌舞地騷人
長此倚層梯

洪都吊古

當時冠蓋總塵灰千古登臨可一哀下榻誰

爲陳仲客題詩空作子安才江山鬢鬢青烟
合城郭迢迢綠樹廻一自龍泉飛去後至今
紫氣不曾開

歷陽城樓懷古

重陽先一日作

孤城一片倚長汀望裏乾坤幾代經江憶霸
王潮打廟山憐太子樹依亭六朝花草留寒
碧三楚烟雲結暮青不信悲秋人最苦西風
未到洞先零

酒舍

壚頭竹葉千杯有
扇底桃花四月無
且放歌聲滿天地
莫開醒眼向江湖
南人不復憐鸚鵡
北客何須悵鷓鴣
芳草斜陽看不盡
春明門外獨躊躇

癸未下第

五回下第豈應虛
留讀人間未盡書
敢謂王孫終報飯
不逢公子謾歌魚
黃金顏色秋雲

似白壁文章燕石如莫恨芙蓉開較晚東風
排布本來疎

五日

天涯寨落故人無一樹榴花五日孤吾道已
憑司命籙他鄉寧用辟兵符荷衣元自湘臣
製蒲酒聊從趙俠沽爲報阮生休浪哭相逢
應未是窮途

中秋

蕭蕭風露塞門間多少征人悵未還把酒今
宵燕市月倚樓何處秣陵山眼因傲世成雙
白鬢爲悲秋得一斑見說五湖流水盡孤臣
空有泪潺湲

賀外甥魏道會以叅軍誥贈

爲愛風流幕下聞不慚雨露禁中分雙飛紫
誥來丹鳳一落青山動白雲漢室孝廉多辟
掾晉家詞賦半叅軍知君自有酌恩處獨向

尋前看劍勦

滄州留別錢全袍

君在滄州我入吳乾坤雙劍一時孤
長河橋上折楊柳明月尊前唱鷓鴣
季子未收梁國印終軍已棄漢關繡
去留總是悲秋客別後雲山夢有無

滄州集善寺留別王同袍

一劍相逢萬里餘白蓮社裏共躊躇
劉蕡豈

嘆功名薄阮籍終憐禮法疎對酒猖狂時五
斗談經汗漫日三車城頭月色看來好明夜
孤舟可得如

僧房

空堂寂莫坐禪燈讀罷離騷泪滿膺豈是無
家頻作客如何有髮便爲僧烟留檀麝知三
世月照蓮華見一乘可奈塵緣消未得夢魂
夜夜到金陵

書夢

莫道無緣却有神銀燈昨夜結花新八千里
外三更夢十六年前一故人行雨行雲來楚
峽愁山愁水過吳津相逢未了相思話腸斷
西風曉角頻

賀林丙卿生日

華堂春殿錦成陰此日遙看初度臨二十多
年青劍客六千餘里白雲心花前麟鳳雙環

藤海內芝蘭半盞簪有酒如澠堪一醉莫辭
起舞爲君斟

留都送沈介菴年兄之任鄭陽

迢迢春草漢西頭一曲驪駒五馬遊楚子山
川多氣象沈郎詞賦獨風流鳳皇臺上聊傾
酒鸚鵡洲邊莫倚樓此去專城應卧理好綉
蘭佩寄綢繆

留都送林龍沙下第還閩

僊郎瀟酒看花時長歛風塵若得知燕市只
能憐駿骨漢宮總解妬蛾眉到來江路無楊
柳歸去山城有荔枝此目送君成底事剛剛
落個好相思

送王鰲門內兄之任梧州幕

一路青山飭馬頭送君西渡繫龍舟霜花拂
劍蠻天曉桂樹當尊嶺月秋漢代公卿多法
律王家兄弟獨風流莫言鄉俗從來異到處

題詩是勝遊

送王華樓內兄之任潮陽幕

此去關河幾驛亭東風二月看揚舲客情江
上深於水宦跡天涯散似星椰子酒開春甕
綠荔枝花發海門青懸知長日衙齋好只恐
相思夢不醒

送周惠卿之任河南憲司獄宰時苦大

旱

火雲燒殺柳條青。腸斷河橋此一經。
中嶽正勞看貫索。北山已報勒移亭。
清霜臺下憐孤隱。明月尊前憶獨醒。
莫向夷門頻駐馬。抱關人去水泠泠。

送林順夫鴻臚請告南還

一日青山卧病餘。兩年丹陛沐恩初。
渴從仙露分杯瀝。行倚郎星度斗墟。
畫錦不緣誇駟馬。秋風豈爲憶鱸魚。
重來莫負鴛行輩。正擬

霄衣聽珮琚

送陳道育之任漢陽學博

憐君年少是通家
幾度長安共看花
自有千金懸駿骨
何妨三楚采瑤華
崔生作賦登黃鶴
馬氏傳經坐絳紗
莫問故人曾到處
離愁黯黯漢江涯

金陵送黃上舍應試回

秋水芙蓉兩岸開
木蘭歌發美人囀
五陵子

奏揮金氣三獻誰憐抱璞才風月悠悠桃葉
渡江山歷歷雨花臺明朝多少登臨處半爲
思君把菊來

送何廷弼福安學博

一曲離鴻塞上歌送君萬里出關河漢人交
誼王陽少何氏才名子朗多首猶齋頭堪獨
采芙蓉匣底爲誰磨試看二十年來事莫惜
相思夢裏過

都門送陳汝誠吳子修彭有貽年兄之

任學博

都將莫爲嫌官冷絳帳春風好授經攬轡猶
憐雙絲駟懸裝寧恨一青萍關山後夜同看
月霄漢何年更聚星惟有王孫歸未得斷腸
芳草滿江汀

送友人芝任江右

爲愛山川入楚偏不妨作吏却尋僊麻姑舊

失方平處陶令初從彭澤年枸杞秋風香入
酒芙蓉江月影隨船生來不帶烟霞氣回首
看君別一天

金陵送薛文學南還

不向王門學曳裾問君歸去意何如携來彩
筆多題賦博得黃金只購書山遶秣陵開翡
翠水連震澤蕩芙蓉扁舟明日天南道雲樹
蒼茫一望餘

秋日江上送林志卿還閩

西風相送出江干，一曲勞歌行路難。
鴻雁未歸君不待，芙蓉已發若爲看。
槎隨博望星河近，劍過延平浦水寒。
到日故園秋欲暮，相思好把落英殮。

武林春日送林支陽南還兼懷純卿兄

江上尋春并送君，梅花猶似惜清芬。
青萍氣色多新贈，白社聲名有舊聞。
一曲遙飛三楚

雪片帆高挂五湖雲到時爲問西堂客春草
年來綠幾分

武林送林大用歸娶

片片寒雲落翠微津頭送客拂征衣千金曾
散五陵去一劍今從萬里歸竹葉臨江浮玉
斗桃花踏雪照金轆若過建水春應到領取
東風入枕幃

送黃元卿之任閩中憲幕

一杯別酒送嘉賓
飛旆迢迢遠入關
最喜冰壺懸去好
更憐寶劍把來新
越王臺上花如黛
織女機頭水似銀
爲憶明年相見處
荔枝香撲馬蹄春

送朱象峰山人謁大同開府

知君意氣有人矜
書劍翩翩向北陵
幕下英雄推上客
尊前譚笑對中丞
冰連漢塞還青草
山斷胡雲是白登
一出鴈門天萬里
長風

此日正堪乘

都下送林容江文學南還

春明門外半離亭
風雨時時送客經
十載故人應是夢
一尊別酒不堪醒
吳江向楚茫茫去
綠漢草連胡黯黯
青愁滿闌山歸未
得天涯
何處暮雲停

黃序賓移竹見招

三年不到此君亭
忽滂相逢眼一醒
烟雨生

憎新逕綠風塵愁殺故園青
須知移處當辰
日定見栽時有客星
莫遣粉牆高隔住子猷
門外好頻經

龔君愛以宦中集見示

一官瀟洒繞天涯
落得江山句裏誇
詩過蜀川都是錦賦來
庾嶺半成花
青霄鸞鳳看新縣
淶水芙蓉憶舊衙
不似故人畱滯甚
獨將愁病對年華

賀薊州林叅軍誕辰

薊門烟柳不勝幽五十年前向此遊
范氏已成陶上隱
卻生元是幕中流
秋風嫋嫋吹丹桂
春水溶溶泛白鷗
最愛盤山佳氣鬱
朝來盡送入羅浮

豐城王起潛江樓

樓外春光四面迴
樓中客思一時閒
迢迢碧草連天去
隱隱青山度水來
劍出豐城誰望

氣賦成王粲獨憐才倚欄人在江雲上無限
風流付酒杯

送郭少伯之任確山令便道還家

平原公子有佳名此日翩翩駟馬行畫錦堂
前看舞彩春花縣裏聽歌聲雙龍不羨逢雷
氏一鶚何慚薦補生祇爲憂時同感慨關山
無限送君情

武林冬日送太東之江右

吳雲飛盡楚山齊
千里寒潮送客西
落日片帆隨雁小
倚天雙劍看牛低
酒過陶令門前問
詩到滕王閣上題
最是可憐南浦路
春來芳草莫教迷

和州香泉

何來花雨氣如椒
濯盡塵纓香更饒
應出桃源春水派
豈隨楊子暮江湖
火龍九地蟠丹鼎
金露千秋貯月瓢
爲問平疇真有鬼
不知

病肺可能消

香泉期龙使君不至

氤氲百沸紫烟開煉得陰陽出別胎無限香
憐太子過不知青伯貴妃來何人裁服春臨
社有客彈冠暮倚臺惟得使君頻浴懶青蓮
元自水中栽

潤州蓬萊觀王玉沙郡守相過

客途日日望三台欲借輝光愧不才偶向洛

中懷刺過何勞江上問船來雲明五馬花邊
擁風細雙幡柳底迴惟道使君行處好一時
春色滿蓬萊

潤州謁李長卿侍御

十年天地一孤踪豈有凌雲賦不逢
漫憶昔時曾避馬翻慚今日始登龍
楊雄識字功名薄汲黯憐才意氣濃
願借春風拂塵鉢
相過數從容

晤吳司理

水滿芳洲草滿汀
楚江千里獨揚舲
偶聞東海飛甘雨
却望西垣執法星
季子風塵塵上
黑阮生勛業
簡中青相逢
但得相知
去不負
殷勤此一經

與京口龐明府

兄說江南春可憐
看花直到縣門前
本因別
雄誇循吏更爲飛
鳬問諸僊
汶水天高
聊展

現焦山地勝客星懸相如謬得臨邛好千載
風流豈偶然

舟泊廣陵寄懷鄭開甫國博

一夜孤舟楚水分天涯回首又離群風流未
似林休父意氣寧堪鄭廣文繞郭濤光郭海
月隔帆山色秣陵雲烟花二十四橋上何處
看來不憶君

寄王元直上舍

交游零落不堪聞年少風流獨憶君人似隋
堤三月柳思如吳苑一天雲論心已脫青萍
帶題字曾留白練裙却恨別時春水上綠波
淼淼送斜曛

揚州逢程相如將軍聞其欲徙家也贈
之

莫爲傷時賦卜居當年一疏未應虛腰無十
萬堪騎鶴陽春至可食魚漢將還看程不

識趙人休謫蘭相如最憐今日逢君處柳色
鶯聲二月初

讀支蘭室別駕保東疏賦贈

年來烽火自紛紛偏有孤臣借筋勤三涕用
腸真賈傳五湖踪跡似陶君蓮花舊試分青
水鷄羽新裁切白雲儒將只今誰更是不妨
把酒對斜曛

金壇逢王圭父少府年兄

瀟瀟風雨下江津
落得相逢此送春
二十年
前同榜客三千里
外對床人
潘郎何日仍還
晉范叔今朝乍入秦
源上高城一回首
不勝惆悵欲沾巾

潛山留別彭有貽年兄

莫問當年幾弟兄
風塵聚散總堪驚
一尊聊與相如重
千里應爲叔夜輕
歌罷采葵山雨過
賦成修竹暮雲生
明朝獨上孤舟去
又向

湘江夢皖城

潛山送友還閩

草草相逢楚澤西
紅亭綠酒又分携
人生底事憐鷄肋
客路長教怨馬蹄
舒子州前煙葉暗
越王城裏荔枝齊
十年歸夢如流水
一夜隨君下建侯

賀龔夫人壽

天涯游子思無窮
獨爲看雲馬首東
會見碧

桃初度海懸知丹棘正迎風千鄉戀母慚潘
岳百世通家愧孔融遙望南山歌一曲畫堂
佳氣喜龍苑

送潛山支廣文升任瀾西

幾年振鐸有聲名此日徵書下帝京孤劍遙
分舒子國片帆直指越王城江湖夜月千鄉
夢桃李春風兩地情莫惜長亭尊酒醉宦游
應不負儒生

廬山八首

其一

縹緲中天紫翠重可憐
面面削芙蓉樓臺亂
落三三水烟雨深迷六六峯
洞口龍吟多梵語
林頭鶴舞半僊踪
千秋風月無人管
留得今朝一拄筇

右組勝

其二

楚水西來第一山
何人撞破白雲關
夜間花

氣霏霏濕展下苔痕點點斑晴倚九屏江澤
外夜捫雙劍斗牛間我來覓得支機石不用
乘槎海上還

右紀遊

其三

千仞圓頭一振衣青山片片動光輝劍橫大
地真堪遜履曳風雲只欲飛蕉鹿百年誰解
夢沙鷗萬里自忘機從來多少人遊處惟有
花翁戀不歸

右上霄峰書見

其四

不盡風烟不盡愁都從五老望中收
閩山東去天如斷楚水西來地是浮
萬里客情新草色千年人事舊江流
何須更去求離恨三十天此上頭

右五老峰書感

其五

百年淪落總傷情空向人間記姓名
司馬汨來江月冷謫僊人去酒星明
鷗鴉日日當門

時薜荔年年繞砌生欲起九原同一嘯白雲
森森水盈盈

右凌虛閣懷
白李二先生

其六

與君山水性中耽忽漫相將過斗南海上飛
來僊島一天邊聚得客星三烟霞姓字扳蘿
認蝌蚪文章洗石叅叢桂芳蘭都有待何年
結社傍茅巷

右天池寺示錢
汝元倪實卿

其七

銀臺燈影亂幢幢不照遊人夢度江仙骨錯
教烟火染客心奈得水雲撞起來捲幔當山
半坐憶吹簫對月雙徙倚不知天欲曉一聲
啼鳥送東窓

右聚仙臺書懷

其八

爲愛青山此一來千年夢幻未須猜有經便
好焚香誦無藥何妨辟穀栽赤腳塔邊仙鼠
齋白蓮社裏佛桑開勸君莫問三生事我輩

風流是酒杯

右飲田龍庵書擬

瓊島春雲

燕臺八景

帝城佳氣鬱紛紛
故向青天起作雲
山入蓬萊開縹緲
日浮華蓋動氤氲
千峯雨氣連
動萬樹烟光
傍晚分
每自紫宮臨望
後更清
吹送幾斜曛

太液晴波

漢流平接五雲堆
媚媚波十里
鵲鵲觀

頭風日靜鳳凰池上水天開青山自拂春屏
落綠樹都翻曉鏡迴海晏河清看處好不妨
漱灑此中來

玉泉垂虹

中天風物不勝情流水行雲日夕生滴瀝分
花甘露冷氤氲繞樹彩虹明廣寒殿下霓裳
影長樂宮前五佩聲元是內家歌舞地長橋
近接碧華清

金臺夕照

芳草斜陽總不慳
遂聲吹落暮關山
風烟淡蕩東天轉
江海蒼茫西日還
九陌鷄聲春樹裏
六宮鳳吹彩雲間
水流花暎時時好
看到歸鴉意獨閒

蘆溝曉月

飄飄堪作廣寒遊
無限清輝向曙流
雁拂數星銀漢落
花飛片霧玉河浮
宮鐘遙遞寒城

夜戍角悲生古塞秋雲樹微茫三十里一條
明月到蘆溝

西山霽雪

何處彤雲汗漫過散將白雪滿山阿天花晴
覆龍庭樹海日寒搖鷺嶺波一色川原開玉
塞九重城闕對銀河春風到後融成瀑其柰
崑崙六月多

薊門烟樹

如此芳菲妒殺儂春風何日出盧龍依依塞
柳青千里歷歷關榆綠萬重紫氣迤西連漢
闕青天直上下堯封不應說是邊頭路一片
城烟帶幾峯

居庸疊翠

黃沙不動白雲懸西塞山川劇可憐走馬上
連廿八宿飛狐中斷卅三天青歸苜蓿千秋
雨翠落芙蓉萬頃烟爲問棄繻關外去幾人

勒石控燕然

淮南上李制府

高牙雙建出中原譚笑先開海色渾老子道
經閒自註衛公兵法好誰論一時僊客淮南
勝千古才名鄴下尊惟有西遊人落落不堪
只尺望龍門

畱都上周大司馬

一自金城擁虎符中原初檄坐來紆思公文

武當三代漢相勛名在兩都翡翠還歸滄海
貢旌麾高捲白星狐不知閒看淮陰傳也道
登壇事有無

留都上邢少司馬

時司馬以西
征播酋行

司馬牙璋此日分誰將書劍許從軍論兵曾
上平蠻策奉使寧誇喻蜀文詔下三川新雨
露園開八陣舊風雲不須頻說東征事只是
當年吐哺勤

上劉誠意伯

帝師勛業在山河
寂是君侯似得多
閫外正須推卻穀
禁中何用憶廉頗
潢池萬里猶飛火
滄海三年未息波
祇爲孟嘗能好客
故將長鋏一彈歌

張駕部贊畫

共誇漢將號征蠻
幕府風流不可攀
三畧早憑黃石授
一衙新帶紫泥頒
楚江波動龍蛇

陣蜀道星臨虎豹關二十年來恩未報肯教
孤劍倚天山

淮陽謁牛直指

十載江湖爲釣鰲忽瞻驄馬夢魂勞官從兩
漢臺中貴人自三秦郡裏豪豈獨風霜堪落
膽應無草木不生育曾聞捧得平夷詔誰向
公車止六轂

上申相公

幾年江海一窮鱗
欲借恩波未有因
祇謂曾誇題柱客
不妨今作掃門人
蠻書十道臨關
急漢節千山出
額頻見說君王正
南顧長纓何惜賜
孤臣

送沈開府之任閩中

青山東下躍龍潭
一道牙旂引萬驂
漢將威名通海外
沈郎才譽重江南
烟消荔葉笙歌
暖日動柔枝
劒戟酣叅佐
風流知不少
越王

臺上好高譚

贈孫泰峰文學孫譚兵復知醫

舉目關河正可哀
憐君多負濟時才
藥方秘白真人得
兵法奇從武子來
匣裏青萍誰可賣
林間紅杏且須栽
請看千載英雄輩
除却書生有幾哉

過淮訪張仲豫不遇

一條蘭徑曲江涯
何處看山不掩簷
案上凌

雲新賦就燈前對酒舊盟乖汀蘋水落魚初
美野菊霜含蟹正佳此夕望君兼望月那能
獨醒下長淮

楊州覽勝樓

天南五月足風烟獨上高樓思渺然日下不
開丞相閣江頭誰問孝廉船董生經術明三
策祖氏功名快一鞭何事年年空獻賦蕭條
書劍滯關前

陽溪公館

偶入江城四月天
郵亭看劍意凄然
簷聲點點黃梅雨
岸色團團碧草烟
好鳥有情啼樹上
閒花無語立堦前
東風却把春收去
留得寒枝伴客眠

漢庄全郭建溪泛釣臺

嶙峋百尺聯溪灣
一片漁磯不可摩
怪石生烟蒼似玉
輕風拂水綠如羅
投竿誰作嚴陵

隱泛棹應同郭泰過醉裏與君休極目山川
疑似故鄉多

秋日登易州城樓

拂劍歌殘易水愁燕山城上歛登樓黃沙草
色遙生暮紫塞笳聲暗入秋天地何人當北
顧英雄長自作西游只今駿足多千里更有
黃金臺上頭

灤陽夜雪

春雪無花不可拈滿城飛起白纖纖已從南
隴教梅妒更向東堤得柳嫌灤海樓臺渾似
蜃薊門衢路盡如蟾清宵未穩表安卧桂玉
多年砥跡淹

都門五日時苦大旱

悠悠風日陌塵飛偏與遊人興不違十里綺
羅香霧散千門簫鼓夕陽歸何年江上看傳
鏡此日宮中憶賜衣莫恠胡姬新酒貴街頭

斗水百錢稀

秋思迴文

盈盈極目望天遐
水滿烟汀草滿沙
橫簷一樓風落雁
擣砧千井露啼鴉
情含遠樹暮山
斷夢度寒江
楚月斜清思入秋傷
久別離鄉來
瘦客對殘花

春思

一自青春入鳳臺
千紅萬紫一時來
芭蕉樹

盡催先發芍藥花成故不開
葉愛雨聲教
聽花愁風色待郎回
安排總是東君意分付
多情莫浪猜

林七得李玉孃爲賦六首

十二瑣樓花樹垂
東風一夕送佳期
芙蓉移得並頭種
楊柳栽成連理枝
妾自綠梨心上
許郎於紅拂眼中
知兩情好侶
沅湘水併作
春流到海時

其二

一賦薔薇只浪裁
吹簫今倚鳳凰臺
玉環骨碎連方斷
寶帶心灰結不開
花別下樓啼鳥送
月扶上馬落星催
春情如醉朝來醒
惆悵東君怕舉杯

其三

昨日逢郎今嫁郎
隣娃含笑看新妝
荷因藕好開花易
蜚爲絲多結繭忙
歌扇收回明月

影舞衣卸落彩雲光到來學得良家樣人道
風流更自強

其四

鳴珂巷裏是奴家郎住千山萬水涯裊裊赤
繩珍重繫團團靈扇等閒遮託身但得爲桃
葉撲面何妨作柳花却笑當年江上婦逢人
空自慙琵琶

其五

阿夷把盞話殷勤
小妹低頭泪滿裙
也信郎恩深似海
只愁妾命薄於雲
手中紈扇臨秋別
脚下弓鞋到夜分
見說伊曾有去婦
嫁來時節勝文君

其六

曾經一笑向誰行
生死而今托與郎
非逐青樓矜意氣
從知白社擅文章
出泥蓮子清無染
壓雪梅花冷不妨
都道勸君休打鴨
妾身

可得比鴛鴦

見馬湘蘭

春樹重重隱洞門不知何處武陵源每憑流水尋詩句只許行雲托夢魂桃葉渡頭三倚
桤海棠灣上一開尊相看莫恨相逢晚但得
相知便是恩

張文英席上彈琴

看花又負一春天日日青樓獨醉眠客久每

添遊子恨才多偏得美人憐
雙魚寂寂吳江外
匹馬迢迢塞草前
一曲離鶯彈未了東風
吹月上朱絃

晁燕燕

風流曾憶漢宮闈
吹起春莧掌上飛
十四聰明堪事主
三千顏色總憐妃
秦雲彩鳳聞簾下
洛水游龍薦枕歸
慙不多情如燕子
解招佳壻到烏衣

郭鸚鵡

有鳥翩翩不識名
向人飛舞自多情
語來花下驚洪度
賦罷尊前憶正平
寂是可憐楊柳色
何須更聽鳳凰聲
勸君且莫看容易
幾個當籠未敢鳴

吳彩鸞

掌書名姓在僊班
爲有塵心落世間
長日學歌金絡索
少時愛弄玉連環
花憐香氣春窺

暮月避清輝夜度關珍重尊前遇一笑不知
若箇是巫山

贈馬五雲

秋水茫茫秋月光美人家住石城傍風流絕
代誇盧女雲雨經年憶楚王花逕曲通桃葉
渡羅衣輕拂桂枝香年來不入楊州夢奈得
思君此夜長

劉彩鸞席上

將軍開讌索詩文有美虞姬捧爵勤流盼尊
前生瀲灩清歌梁上散氤氲人於只尺愁千
里酒較尋常醉十分多病長卿琴不理可憐
辜負卓文君

悼外舅

滿階玉樹總先冬誰向棺頭執紼從寂莫青
山悲吊鶴飄飄滄海媿乘龍一囊莫恨如水
洗三尺懸知是土封生歟相逢更無路從今

不上太山峰

悼黃太母

天上魚軒不少留
百年歸夢自悠悠
已知母訓追鄒史
更看君恩下楚侯
玉樹堦前丹棘
蒼瑤池曲裏白雲秋
傷心獨爲通家子
還向人間一轉頭

挽李太醫

龍虎丹成歲月深
白雲飛旆去沈沈
剩教秋

雨寒芝圃贏得春風滿桂林只爲千金思國
手不堪一綁送君心秣陵城外人看葬道有
衡山二鶴臨

代人悼妻

思君日日望天涯化石山頭君不知花落十
年分手處月斜孤枕斷腸時自從鏡影教驚
泣無復簫聲和鳳吹只道寶郎真薄倖猶憐
少婦錦中詩

悼妾

愁雲怨霧黃昏顚顚無人獨倚門海上別
來空話曲中歸去只啼猿從教寶釵留將
影那得靈香反却魂此恨東風元不解年年
芳草滯王孫

挽貴人

一聲薤露起江灣昨日猶忙今日閒秋月長
懸東武樹夕陽不上北邙山已無石槨堪藏

骨那有丹砂可駐顏爲報長安車馬客邯鄲
夢裏莫忘還

中元悼母

墓頭拱木想蒼蒼幾度愁從別地望其有護
花對山雨不如鴉鳥傍楓霜紙衣化去孤雲
遠濁酒傾來寸草傷書劍只今猶落莫登高
何處不淒涼

李子石年兄下第南還兼以悼內索詩

送之

春風幾度看花歸帶得新愁入枕幃司馬猶
憐題去柱樂羊空憶斷來機一枝楊柳亭流
水千里薜蘿引落暉不敢爲君歌別曲多情
此日易沾衣

寄內

年年楊柳陌頭多莫爲登樓損翠蛾漢闕有
纓猶未請蜀橋無馬豈堪過夢魂孤傍鐘山

月別淚雙傳潞水波昨日梅花報消息春風
吹旆出關河

別京中諸親友

故人離別幾能勝行路艱難獨未曾明日片
帆飛潞水長天一帶入毘陵隋珠豈肯輕投
雀楚璧何妨乍點蠅却憶天涯同落莫不堪
回首暮雲層

論東事有感示陳乾初

自從殺氣起東甌樂浪山川入漢愁戰馬幾年嘶
累年征人何日唱刀頭衛公但道一和利秦塞寧忘
三敗盡總是書生今不用勸君莫把筆書投

鄭城見黃序賓使君

雲雨交情此日偏與君相見可消然豈無太
守二千石那有故人三十年冠爲王陽彈不
忝袍因范叔肥堪憐舊時一片深城月何似

今宵漢水前

薄命女

薄命如儂世有無紅顏憔悴綠窗孤朝朝學
織長呼嫂夜夜親縫不寄夫燈上春花眉上
翠簾前秋雨眼前珠千年更唱琵琶曲莫爲
明妃怨嫁胡

贈德安黃瞻峰明府

望斗猶驚劍氣寒明時試宰漢時官
琴從

父堂前聽花向潘郎縣裏看對酒山雲春入
座裁詩江月夜臨壇秋風未可思松菊水國
烟波正渺漫

寄陳子誠李子石諸同年

一星落落斗間懸回首關山盡黯然花月三
春成異地雲泥萬里失同年靈龜終日占難
斷窮鳥何時賦可傳每欲問君別來信更無
人過楚江邊

寄京中新第諸親友

故人得意盡新知若爲窮愁有所思束縕敢
將煩里母結縈空復羨鄰姬暮雲凝碧依宮
樹春水流香出鳳池二十年來看花處與君
沽酒更何時

秋日登易州城樓

搖落西風動客愁燕山城上二登樓黃沙草
色遙生暮紫塞笳聲暗入秋天地何人當北

顧英雄長自作西遊只今駿足多千里可有
黃金臺上頭

金陵送林玉宇文學從豫章還闕應試
吳山楚水廿年來此日家鄉好夢催拭劍頻
看牛斗氣題詩曾上鳳皇臺九江寒月揚舸
過萬里長風送鴈回把酒不須懷感慨于今
科第正掄才

登采石謫仙樓

駐馬江頭問謫仙
野人頗解說當年未聞捉
月曾沉水安得騎鯨復上天
芳草魂飛巴蜀道
桃花夢覺武陵川
山中尚有藏舟處
拱木陰陰起暮烟

寄友

芳草萋萋何路回
江南三月正堪哀
補衡擊鼓非無理
張儉投門豈不才
便欲拂衣從五嶽
寧忘倚劍向三台
舊時紫陌同遊處
惟有

楊花送客來

友人自楚中至

十年心事不投羣萬里風波正憶君海上客
星今夕聚斗間冤氣幾時分鄴門覓得歌如
雪燕市沽來酒似雲莫惜樓頭春月曉楊花
離思共紛紛

上孟納言

覓得從軍一劍新相看羸却淚沾巾敢云抱

璞終無辨只爲投珠未有因馬革不辭秦戍
冷蛾眉猶憶漢宮春朝來問道西征急誰薦
當年草檄人

寄錢忠臺司理

二十年來總是萍如今何處說飄零一經自
解揚雄白雙眼誰憐阮籍青海底魚窮那可
賦門前雀噪不堪聽只應灤水尊中月猶似
當時照獨醒

送友

楊花三月落江津又是今年一度春正念門
前羅雀者忽來溪上泛舟人解驂相遇誰知
越抱策爭憐不負秦慷慨生平應共許臨別
何事淚沾巾

長蘆贈李運長

爲政風流早擅場而今藩臬更輝光一門春
色開桃李幾郡歌聲憶鳳皇黃海未諱蘇武

底輪邊元用漢循良驅馳自愧非千里卻欲
長鳴過九方

寄壻

無端平地有風波不信高天是網羅每詠桃
花憐女少應知五事憶君多青雲涕泪千山
落白雁音書五月過見說玉郎初病起大都
溫潤復何如

贈從良者

才子佳人又有今悲懼離合若相尋裴航空
得玄霜杵司馬難傳綠綺琴百歲姻緣再世
事五宵恩愛一生心願君好去隨夫子魚鴈
休嗟各杳沉

偶成

破曙呼童沽酒回且將愁緒付千杯
消人終解留奇骨貞女其如怨標梅
醉眼一橫天欲窄吟眉未感雨先催
憑君萍梗都休論從古

乾坤獨去來

酬謝繹梅少司寇

悟得從前別有因，
于今苦海合沈淪。
敢云璧寃相似終，
道黃金術未真。
范叔死生憑國士，
馬卿貴賤在鄉人。
自慚不是獄中劍，
却向君恩拂舊塵。

上法曹

聖世恩波自有餘，
孤臣何事嘆窮魚。
不才

敢投騷賦非罪還應上獄書淚落圍屏秋雨
裏夢驚譙鼓曉霜初度灰猶解傳春令只向
東風借一噓

寄葉晉卿太史

也自高天一問來千年流落事堪哀陳寔結
客元非黨張儉投人豈不才敢擬霜華飛六
月空隨斗柄望三台懸知獨有青藜火然得
蕭蕭此點灰

寄黃序賓大行

拚將一哭向窮途
別泪年來眼底枯
日暮白雲愁倚舍
春寒紅粉怨當壚
雙龍炯炯猶依斗
孤鳳寥寥却傷筵
也有故人如鮑叔
不知曾憶檻車無

寄和吳長卿文學

風波何處與佳期
夢裏相逢醒後思
每憶綈袍傷往事
翻憐綺帶媿新知
鄒陽書在應難

上燕市臺空未可之罍是不堪春日暮綠楊
城外語流離

寄送何伯達太學

鳳凰臺上舊登臨此日偏違送子心一曲只
傳燕獄淚十年空作越鄉吟江亭雨歇花初
暝野店烟浮柳正陰遙想千山歸路裏不勝
鶯語向人深

元夕

一身憔悴一家殘縱此春光若爲歡好月難
通盆下暗輕風詎散網中寒誰憐沈約頻移
帶獨信鍾儀不改冠記得廿年三五夜年年
夜夜玉樓端

獄中作

豈是窮愁解著書聊將心事對居諸一朝身
有縲鉗在十載家無擔石儲知己誰憐轅下
馬向人空作轍中魚不勞按劍更相盼白璧

而今土不如

元夜

十二樓臺二十亭
今宵燈火亂熒熒
尊前誰不憐人月
斗裏如何怨客星
桃葉三更飛夢渡
梅花一曲斷腸聽
未知此際長門淚
爲憶東風幾度零

生日

落葉蕭蕭此草亭
閉門三載讀騷經
每看西

斗憐生日誰向東方問
謫星秋月半輪含露
白晚山一片帶烟青
涼風莫送殘蟬響愁滿
尊前不可聽

燈下看牡丹花葉

何處春魂化得強飛來
燈下試新粧綠雲鬢
髮胭脂頰紅玉釵鈿
翡翠璫乍看却疑妃子
影久聞翻厭午兒香
清宵相對渾如夢不是
愁人亦斷腸